

## 詩二首

夏正耘

### 七律·歲末書懷步藏劍兄原韻

羈旅經年已慣愁，爐峰歲晚念中州。  
夢驚風驟頻移枕，病起衣寒忍對秋。  
楚客空懷四方志，冰心暫寄五湖遊。  
故山籬菊香依舊，何日旋歸插滿頭。

附藏劍兄原玉：

征雁聲聲動客愁，當樓誰按小涼州。  
風來樹杪常疑雨，葉落軒窗怕見秋。  
醉飽消磨平樂宴，關河冷落少年遊。  
買錐博浪已陳跡，吳市吹簫漸白頭。

2006年11月18日

### 七絕·城大校園漫步

信步山園訪翠微，閒花幽草自芳菲。  
蹣跚一葉隨風落，欲辨心期已忘機。

2006年11月14日